

անխոյթ արարեալ՝ միայն զհոգիս եւ զսուրբ  
Երուսաղէմ հոգային :

- 160 Այլ եւ կայր ծեր կին մի Ուղիտայ անուն ,  
որ ի ճգնութենէն եւ բազում ծնրադրութենէն  
կղացեալ էր . եւ ասին թէ այս քառսուն ամ է ,  
որ բազում ինչս բերեալ ետ ի վանս եւ ինքն  
մնացեալ ճգնի աստ ի մանկութենէ , աշխատի  
165 եւ ձեռաց վաստակէն դեռ տայ պատարագի  
եւ ժամուց : Եւ ասաց Պարոնտէրն թէ Ես յոր-  
ժամ վանացս կերակուր առաքեմ սմա , ոչ  
ուտէ , ասելով թէ Ես պիտի վանից տամ , թող  
թէ ուտեմ : Վասն սորայ ասին թէ կոյս է , այլ  
170 եւ խստակրօն , զի շարաթն մի անգամ ճա-  
շակէ , այլ եւ այն՝ չափով եւ կշռով :

- Նաեւ հարեղայք ամենայն եւ կրօնաւորք  
ամէն օր մէջ գիշերի յառնեն . Ը կանոն սաղ-  
մոս ասեն . ապա կոչնակ զարնեն . Ը կանոն  
175 ալ ժամն ասեն . եւ մինչ ի վերջքն ոտնակա-  
ցութեամբ կան : Այլ եւ հլու եւ հնազանդ մե-  
ծին , սիրով եւ միաբան ընդ միմիանս : Եւ  
այնպէս սահմանք ունին , որ ամէն օր ամէն  
մէկ՝ մէկ ուխտատեղ մի պատարագեն ըստ  
180 սրբոյն Ներսէսի հայրապետին խրատուն . կի-  
րակի՝ Յարութիւնն , Երկուշաբթի՝ Սուրբ  
Հրեշտակապետ , Երեքշաբթի՝ Սուրբ Փրկիչ ,  
չորեքշաբթի՝ Սուրբ Աստուածամօր դերեղ-  
ման , հինգշաբթի՝ Սուրբ Առաքեալք , ուր-  
185 բաթ՝ ի Գողգոթայ եւ սուրբ Յովհաննէս մա-